

三台縣志卷一

輿地志一

沿革三台縣境割古之郫縣涪城縣地而成此疆域故兩縣沿革並詳誌之

三台古梁州域歷唐虞夏商周爲蜀國地秦屬蜀郡漢高帝分巴置廣漢郡郫縣屬焉東漢因之

〔華陽國志〕廣漢郡高帝六年置前漢志廣漢郡領縣十三後漢志廣漢郡領縣十一郫縣均屬廣漢按縣志在今縣南百里臨江郫王城基址尙存郫爲江名以此名縣猶梓州潼川以梓潼水名也

蜀漢分廣漢置梓潼郡郫縣仍隸廣漢

〔華陽國志〕建安二十二年劉先主分廣漢置梓潼郡廣漢領縣八郫縣屬焉

三台縣志

卷一

一

三台新民印刷公司代印

晉武帝改郫縣爲北伍城縣晉惠帝分涪縣地置涪城縣

〔沈約宋書州郡志〕晉武帝咸寧四年改郫縣爲北伍城縣分屬廣漢郡〔縣州地志表〕晉惠帝元康六年分涪縣地置涪城縣屬梓潼郡〔按〕高帝六年析巴郡別立涪縣沈約州郡志歷後漢蜀漢皆無改易自晉

惠帝分涪縣地置涪城縣已化爲兩邑涪縣則自蜀漢分置梓潼郡西魏置潼川改縣曰巴西隋開皇五年改爲縣州煬帝改爲金山郡復改涪爲巴西縣唐武德元年改爲縣州治巴西劉甲謂唐以前稱涪者今之縣州是也自晉惠帝分涪置涪城縣後東晉於縣置始平郡西魏改郡爲涪城及潼縣後周又改曰安城隋開皇初廢郡改縣曰安城十六年改爲涪城大歷十三年割屬梓州其縣治卽今邑北之涪城壩古跡尙存不可易也但涪亦有稱涪城者水經注漢安帝永和二年移治涪

城段玉裁曰謂移郡治於涪縣也蓋涪縣與涪城縣初原一地後乃分爲二學者往往牽混故爲此論

劉宋仍置鄆縣屬廣漢郡又分廣漢立新城郡蕭齊因之梁改曰新州西魏改曰昌城涪城縣梁改曰始平郡西魏仍改爲涪城郡恭帝改爲安城郡

沈約宋書宋仍置鄆縣令屬廣漢太守又分廣漢立新城郡置北伍城爲郡治舊唐書地志梁改鄆縣置新州治北伍城舊唐書地志西魏廢新州置昌城郡復分鄆縣地置射洪元和志梁改涪城縣置始平郡唐書西魏廢帝二年改始平郡爲涪城郡恭帝元年改安城郡隋改爲梓州大業初又改爲新城郡復改縣曰鄆縣卽今縣治是也隋大業初改安城郡爲涪城縣

三台縣志

卷一

二

三台新民印刷公司代印

舊唐書隋文帝開皇初改昌城爲梓州治鄆縣按州城宋元嘉中築治鄆縣蓋隋之鄆縣已非漢鄆縣故地故隋志於鄆縣注曰舊伍城文獻通考宋地志鄆縣注曰隋縣皆謂其別於漢鄆縣故治漢鄆縣地其當西魏時一析置射洪隋開皇初又析置飛鳥隋書大業十六年改安城郡爲涪城縣以吳郡王陳蕃爲涪城縣令

唐武德元年改新城郡爲梓州天寶元年改爲梓潼郡乾元元年復爲梓州鄆縣仍爲郡治又爲劍南東川節度使治所唐時州郡迭易鄆縣恆爲治所大歷時涪城始屬綿州

舊唐書地志唐武德元年置梓州梓潼郡統縣八首鄆縣析鄆縣飛鳥縣地置銅山縣唐書方鎮表至德二年置東川節度使治梓州代宗大歷十三年割綿州涪城縣屬梓州

五代時改武德軍以梓州爲治所

十國春秋藩鎮表五代前蜀永平二年改劍南東川節度曰武德軍
宋初曰梓州梓潼路劍南東川節度後改靜戎軍又改靜安軍端拱中復
置劍南東川節度使重和二年升爲潼川府郫縣仍爲府治涪城屬焉建
炎時又置忠定軍

九域志乾德四年改梓州武德軍爲靜戎軍太宗太平興國三年改梓
州靜戎軍爲靜安軍端拱三年復置劍南東川節度使宋史地理志徽
宗重和二年升潼川爲府領縣十郫縣涪城縣皆屬之宋史高祖建炎
間潼川府制帳踏白軍潼川安撫司忠定軍

元初潼川府直隸四川行中書省領縣四郫縣爲府治至元十年併涪城
入焉自是涪城爲縣廢

三台縣志

卷一

三

三台新民印刷公司代印

元史地理志至元十年以綿州改隸潼川路併涪城縣及錄事司入郫
明洪武九年改潼川府爲州併縣入州爲州治

明潼川州領縣七無郫縣

清雍正十二年復升州爲府添置三台縣爲府治民國元年罷府存縣
乾隆元年設葫蘆溪鹽大使至五十五年改爲鹽捕縣丞民國初改縣佐

疆域

三台縣清以前爲潼川府附郭首邑東西距一百四十里南北距一百五
十里東至鹽亭縣界六十里西至中江縣界八十里南至射洪縣界六
十里北至直隸綿州界九十里東南至射洪縣界四十里西南至中江
縣界八十里東北至鹽亭縣界八十里西北至直隸綿州界九十里面
積共八千零三十五方里北距京師陸程五千六百餘里水程一萬二

千餘里西距省城三百二十里城位於全縣之中央稍偏東北寬南長而網形如艾葉水陸要衝爲川北之孔道

附分野續通志云周官星土之說失傳已久漢以來悉屬附會而欲成全書固不可闕而不載今仿其例採各家論說附疆域後以備參考

四川分野歷代天文家其說不一隋以前言蜀分者多主觜參隋以後多主井鬼皆指全蜀而言各縣無專宿惟附於郡而已舊三台縣志取觜參井鬼並列之初無決擇定義據星經言在天一度統地球二千三百九十二里千四百六十一分差之毫釐竊恐失之千里容齋隨筆云十二國分野上屬二十八宿其爲義多不然其最不可曉者莫如晉天文志謂自畢至東井爲實沉於辰在申魏之分野屬益州魏分晉地得河內河東數十縣於益州亦不相干足見古人立法多差不可盲從又考宋明德三年三月熒燹犯積尸孟昶以爲積尸蜀分野也懼欲禳之

三台縣志

卷一

四

三台新民印刷公司代印

以問司天少監胡韞韞曰按上界十二次起井五度至柳八度爲鶉首秦分也蜀雖屬秦乃極南之表前世火入鬼其應多在秦晉咸和九年三月火犯積尸四月雍州刺史郭權見殺義熙十四年火犯鬼明年雍州刺史朱齡石見殺而蜀皆無事豈非分野有差則吉凶不驗乎又前蜀乾德元年彗星出輿鬼前蜀司天監言蜀有天災蜀王衍詔禳之而諫臣張雲言彗星乃百姓怨氣徹天亡國之徵非禳可弭蜀旋亡其言果驗可見天道遠人道邇禳天變不如盡人事矣如以爲吉星所在可以妄爲何以唐元和初陰陽家言五福太乙在蜀劉闢作五福樓以應之攻梓州而卒以反誅乎是天文分野未可盡憑也然自周官保章氏以星土辨九州觀妖祥春秋以後多有徵驗徐發分野說謂古法多驗今立法多不驗者以立法未精耳通志云三台分野在觜參之次入觜

一度蓋緣觜宿三星侵入參上兩肩昏中時據右肩則參在前據左肩則參在後故也而斗轉參橫則觜前參後瞭然可見沿前代作觜參者恐誤也考宋史稱益梓利夔在井鬼之分明史以川中全省惟綿州觜分合州參分餘諸郡盡井鬼分星由斯觀之潼川分野正在井鬼之分無疑也〔按〕丁取中度里表三台占地三十一度零六分偏京師之西一十一度一十六分一千九百二十九里

形勢

〔通志〕山號三台鄉名列宿文峯峙左印台居前龍頂牛頭蜿蜒於西北涪江鄴水縈繞於東南地當四達之衝路扼兩川之要爲益州之門戶實閩果之襟喉

城池

三台縣志

卷一

五

三台新民印刷公司代印

三台縣古鄴縣地兩漢及晉城在今縣南百里劉宋置北伍城縣爲新城郡治始建城於此齊梁因之西魏周更名昌城縣爲新州郡治隋又廢鄴縣故治而以昌城縣爲鄴縣治歷唐及明城垣屢有變更宋嘉定中築新城魏了翁爲銘有包牛峯移西溪之語可知前代城垣形勢與今不同明天順成化間知州譚道生蔣容相繼築城高一丈六尺池闊四丈歲久湮廢知州錢輪重加疏鑿又於城東隅築堤三十餘丈以禦水患嘉靖中知州趙德宏重修門四曰東流通蜀南薰川北又砌石堤置柳於外前清雍正十二年升州爲府置三台縣附郭乾隆三十一年請帑金三萬因舊址經營邑令富陽徐世楹專其責安岳令朱琦助之竣功於三十五年城高一丈四尺厚六尺墩高一丈七尺周九里三分計一千三百二十八丈有奇炮台九梁口二千五十有三仍爲四門東曰

鳳山西曰龍頂南曰印臺北曰涪江東門至西門二里而強南門至北門三里而強城內面積九百餘丈池闊四丈引西溪九曲水注其中城東砌石曰萬年堤西門與東門相對直出拱向三台山徐世楹改建西門逼近牛頭山而舊西門廢慶嘉道光時士民屢請復舊址皆未允行咸豐元年署知府楊玉堂因士民請准行二年落成名曰來儀門於是潼城門有五矣咸豐十年知縣劉瑞琳因藍逆圍城令暫閉後士民請開屢有梗阻光緒十年署知府熊紹璜始順民請批准重開俗呼新西門實卽舊西門原址也譙樓有中江章宏保修城記

〔宋魏了翁潼川府新城銘並序〕嘉定十二年春眉山李侯被命守潼夏四月庚午興元禁旅爲亂披利閭擣果遂將闚潼川永嘉曹君奉使按刑盛守備以待侯聞變疾趨厥旣領州事益大修武備威聲外憺賊

不敢涉境秋七月庚子賊平乃建治城隍且包牛峯移西溪爲久遠計俾來以圖屬臨卽魏了翁爲之銘銘曰若昔生民戢戢同宇維辟奉天綏爰九土經猷立極陳軌設度體天之險等威以叙因地之宜溝封以固尤慮有欲不相保聚弧矢取睽門析取豫俾居無輒而害有禦然後禮義教化有錯我猷爾迪爾戚我籲爾之恫瘝則我鞠苦茲忱弗屬世壞倫敦大綱旣失衆目隨蠹蚩蚩赤子莫爾燠咻上怙其疆則下怨怒上安於弱則下遠拒極於叔季末大不舉有開真人爰審厥御諸鎮內屬廷紳外補如幹役枝如腓從股事權雖削財力猶故承平日久歸獸偃武淮盜濮寇西戎北虜乘間俟虛宣驕用侮維時羣公爲郡國慮然而猶有城郭兵伍乃自金陵讀周官誤剝肉艾膚以啗胸膈郡鮮餘財民無留賦寧復念亂徙薪徹土矧中興後張弓未紓國媮於和民耗於

賂口堞弗培窾籍弗顧雖遇小偷甕蟻井鮒彼封疆臣無所於訴攜持負任襁屬道路肯於狄難效死弗去士恃常心匪城是阻况棄其常守
在平楚蜀之巨屏如益梓部有城弗葺多歷年所比因創難始議興堵
梓非無城鞠於水滸侯吳侯王侯沈侯許元豐迄今績用亦著人心弗
同前作後沮或修或否靡屆靡究况城之南殷彼牛首如薄而登如俯
而取方時寧晏未睹其咎卒然有戎委柄授首斤斤李侯我事孔疚維
時膚使同德相友迺口宏綱迺審薄厚迺上事期迺均地守迺揀迺築
迺削迺斲迺祛其西環彼大阜如滌帝牲如麗辰牡維南有闡屹如登
豆維西有溪繚如篆籀人謂斯何私相語語我城我池山嶽麗久我牧
我監城池比壽仍俾後人永念拮据人之有善則若已有先壞而防先
變而懼毋生戎心棄成恃陋我銘不磨式穀爾後

〔明邑人王完潼川州修城記〕嘉慶己丑冬十有二月侍御閩汀邱公
懋之會大參昌邑于公德芳少參莆田林公民服僉憲嚴陵俞公舜臣
於潼按部事也潼故有城歲圯而墮民重患之嘗爲之語曰維我米囊
可城與隍公不厭勞民之恤也懋之曰城郭溝池掌固設險禮之端也
政之經也政庥時絀或生民心懸管以奸漏盡徒勅民干于常何以寓
望其亟圖之敬哉往訓毋需議柄毋張弊隙毋替事期其乃有濟舜臣
曰政在因民民勤於財則心傷盡其力則情懟疎於謀則聽駭素謀以
定之因情以紓之慮財以導之斯獲考矣民服曰吁弊也久矣以簡就
者以月成以文具者以口惠以蚨取者以乾沒以威期者以淫逞苟且
恣睢賈怠成欺茲惟艱哉務其在擇人矣乎必得其人衆竅皆虛民其
有瘳矣邱公曰信謬植巡工官庀其司維吉之從舜臣曰潼有趙守德

宏者孝立於家行修於佐新茲寵擢心移於理賦忠樸滇之良也其畀之或庶幾底可績矣畀之德宏曰敢不共命民墜於不懈政懋於協恭盡心職業以求知也敢不良圖率作興事以重我諸執事簡稽之憂遂計丈數議遠邇推新故慮財用會籍分庸引之表則委之常秩周節判忤隸南之東東之北典史張友志佐之梅吏目詔隸北之西西之南典史朱溶佐之李判州銳中執扶實先後焉鄉役之王月薦聞於邵陽唐公於鉅野宋公均以名譽代撫全蜀益嚴缺字咸缺曰宜迺庚寅九月德宏戒事西溪之陽量功命日人往輻輳無敢後者裁者榦者揭者畚者矜者礮者鉅者輦者謳者相者缺者缺者缺如市者如欲速者皆非守之意也勦民不爲也幾十朔封人獻功城庠者窻者泐者飯者疣而附者石以礮者增以高者墜以缺者缺三而載焉者一煥然易觀矣屹

三台縣志

卷一

八

三台新民印刷公司代印

然山立矣助財於公民用而舒力分於衆民動而息民怡然降心矣欣然曰守將扞蔽我矣爰得我所矣孫子之利矣既侍御祥符熊公子修申命入蜀獨持夙裁諗於衆曰諸所責託於潼守者厚矣必省其成則實覈董之威則浮著盍試之德芳曰唯唯遂使遽至將周度之環及於堞四萃完壁城之高尋有四尺廣之尺尋維其千而奇十尋之九仍舊貫者則三分缺之一也迺如子修指而曰財有數在官猶在民也食官如家匹焉寡矣茲役也官鏹纍纍時樣大壞從欲藏賄無所還忌守其缺五城矣乎勾弩隱闡稽殿有罰賞右於勸勸懲有體物采肅然百司畏民用懌矣舜臣曰民不罷勞事無訾讟上下用情政缺六事以永潼休德宏曰宏也下唯諸執事命奉承以來民咸若時罔敢失隕落此良役宏未與有力也謹書之筴辰告於諸執事缺五子曰潼之役可以

觀政矣城以保民爲之潢池亂常往我蜀民之墊於於亂也諸君子不忍數年之不宴而維城之基顧缺三歲之不易以釋閉修以干譽言炳於幾矣謀其大同耦俱無猜和以義矣慎以擇人握體要矣廉弊吏治樹風聲矣廉以紹節慎以茹賢幾以立豫義以終事政有基矣無基而厚墉其壞也無日矣民保於城城保於德諸君子今日之政德之聚也敬哉其永邦人之賜於無窮也吾民亦職有利哉春秋凡城之志議利倍費特書焉宜用壽之石以詔後之人人守在有道無俾城壞

〔重修三台縣城垣碑記〕潼川距省垣三百里而遙實居全蜀之中左扼果閬右控瀘敘南臨梁益北枕龍綿擁護則越雋諸山環抱則鄆涪二水誠東川之重地城之創建漢以前不可考章武間置潼郡以霍峻爲太守當自是時始由漢季以迄唐宋皆爲用武之地興廢不一記缺

三台縣志

卷一

九

三台新民印刷公司代印

有間焉嘉靖間一修之至末造而流氛不靖摧殘極矣我國家聖人應運列祖相承海宇昇平邊隅寧謐大同之世外戶不閉此其驗也憲皇帝深沉謀應安不忘危詔令直省臣工繕完版築我皇上御極之三十年又大發內帑分撥各省制軍文公綬以應修郡縣請三台與焉領帑金三萬五千五百有奇相山伐石開工於乾隆三十二年十二月初二日訖工於乾隆三十五年七月十四日城高一丈四尺厚六尺周四里三分墩高一丈七尺爲譙樓四其下各爲捲洞門曰鳳山曰印臺曰龍頂曰涪江皆依山傍水以爲名也城之東隅當江水之衝自唐節度使馮宿築土堤以爲捍築宋許弈明錢輪遞修之至是而易以石高二丈五尺長三十五丈名之曰萬年隄由是城之櫛比鱗次旣堅旣密嶄然其高妥然其長環然其周腹然其擁壯觀瞻而衛閭闔誠足以副聖天

子眷注民生之德意也是役也專其任者前署三台令徐君世楹分其
猷者前署安岳朱君琦也工竣而兩君或以遷或以沒未暇爲記越十
又三年癸卯郡伯長洲張公奉天子命來守潼川越明年政通人和百
廢俱興爰葺理鬯宮增修書院又明年以潼川改府三台設縣垂五十
年而志乘尙缺如爰網羅舊典特出新裁不數月哀然成帙焉採修城
之記蓋無以應余適承乏三邑因俾補書日月且無使久沒兩君之勤
至於言之成文則固謝不敏矣是爲記乾隆五十年乙巳九月知三台
縣事太湖鄭璇撰文并書三台縣儒學訓導周卜世典史翟一權勒石
公署附局所

司令部在東街卽舊學使行署

鹽運副使署 鹽務稽核分所 在北街舊府署

三台縣志

卷一

十

三台新民印刷公司代印

三台縣署在城西石柱街建於乾隆三年至四十五年徐令世楹改頭門

及聽政堂爲東西偏向頭門內東爲蕭曹祠西爲監獄署右舊有前清徐令世楹所建

來青軒至嘉慶時沈令昭興改名居易山房同治時王令宮午於西園鑿池建亭疊石爲山光緒時李令瑛卽其地榜曰豫園撰記並系以詩十九

年楊令德鏤復建草亭於書舍之右支紅板橋藉達書舍今遺跡尙存 二門內東西舊設十房曰糧吏戶

禮兵刑工鹽倉承發清末裁承發房及鹽房倉房倉穀案歸併戶房民

國初元設案牘徵收統計庶務四課改吏戶禮兵刑工爲六股三年徵

收課因設置徵收局而廢六年併六股爲行政司法兩科行政科分教

育舊禮房 財政舊戶房 內務舊兵房 實業舊工房 統計五股司法科分民事刑事

房舊刑房 二股兩科文件各股員分理而以案牘課長統攝民刑訴訟由知

事聘請承審員幫辦兩班差遣一爲司法隊差刑事 一爲承發吏差民事案

件 大堂西偏爲收發處民國十九年一月成立縣政府將頭二門改建西式較前更爲美觀

縣丞署分駐葫蘆溪距城八十里

鹽場知事署在清真寺街

徵收局在舊府經歷署光緒三十四年經徵局由省委局長司其事民國初廢經徵局設徵收課課長一課員二由地方紳耆任之二年冬廢課設局復由省委局長至今仍之

教育局在舊縣教諭署清光緒三十二年初設勸學所於北街舊學費局以縣視學兼總董全縣分七區每區設勸學員一人民國二年學官裁撤遷所於舊學署後又分爲四路東南西北各設勸學員一人十四年改爲教育局改視學爲局長改勸學員爲視學全縣分五十二區每區設教育委員一按教育局近見學區所分過多地段差池有混統系將另劃東西南北中爲九大學區併依照二十八鄉舊來地段分設教育委員辦法業經擬定呈由教廳核准即實行

三台縣志

卷一

十一

三台新民印刷公司代印

團務局在新西街清時設城防局後改團防局又改團練局至民國十六年改爲團務局

警察所在東街雷神廟光緒三十二年成立名爲警察局民國元年更爲警察廳民國二年更爲警察事務所民國四年始更爲警察所內部設正所長一人以縣知事兼任副所長一人執行警務常川駐所警佐一督察一會計一巡官一巡長四戶籍一文牘一司書一警兵六十名清潔夫六伙夫六五城門各設探訪所常年經費向由契底肉稅二項附加年約抽收錢伍千餘釧近因不敷又於城內燈捐及檢疫所兩項添籌年約加收錢一萬四千餘釧出入尙相敷宣統二年附設巡警教練所計教練警兵共有三班市政局在縣署內民國十五年成立以知事兼局長內設坐辦一人科長三人科員三人書記一人又附設市政局董事會由局函聘紳商二十

人爲董事每年於下河絲箱及城內煙燈抽捐作費

鹽場評議公所在石柱街民國四年三月奉運使通令成立所內組織有評議長一人評議員二十餘人公推後由運使委充又有文牘會計庶務各一人其職責在清查井灶編聯保甲考核產額講求製造以外關於鹽務一切利弊均得隨時研究之以每鹽一挑灶戶捐錢二十文作所內常年經費

地方稅收支所在舊典史署民國十一年成立設正副所長經收隨糧附加之公益捐及附加肉稅契底等欸分支團務教育實業農會及警察所民生工廠縣黨部司法經理等費

司法經費收支處在縣署內民六奉嘉陵道署通飭設立以裁革舊時書役惡習及訴訟陋規爲宗旨查縣於民國元年廢三費局所有收入支出附於徵收課雜捐股二年廢課設局經議參

三台縣志

卷一

十二

三台新民印刷公司代印

會議設征收訟費處接辦三年改設公款收支所六年始易今名 處內設經理員一人司事二人書記幫辦交涉等員各一人附設售呈司事一人每年經收肉稅附加隨糧附加契底附加狀紙附加酒行佃資布厘佃資漁戶佃資養濟院佃資及下河繭捐炭稱繭斤渝幫公益捐各捐合錢計算約收六萬有奇每年額支如縣署民刑書錄吏警內外監卡及承審員城防司令養濟孤貧處內員司薪火常年約支錢四萬七千一百餘釧活支如縣署培修添置印紅紙筆緝捕勘案查催遞解新舊交替並刑事臨時雜支軍事代辦等件年約支出錢二萬六千有奇

實業局在白納菴民國八年奉省長通令創辦實業所兼辦農事試驗場蠶務局勸工局至十四年改名實業局設局長一人收支員勸業員雇員及蠶科技士公告經收員各一人常費出於公告費契稅附加全年

約收入錢萬餘釧肉厘附加年約收入錢四千餘釧桑葉及育蠶售種年約收入銀二白元局內支辦事長員及夫役等薪水公費等銀二千四百三十元場圃肥料籽種零工等費約支錢一百餘釧

農會設白衲菴前清光緒二十四年縣紳戴仁軒等三十餘人集股九百釧置牛頭山下地土創辦蠶桑公社種植桑株並城牆內外埂脚桑株立案刊碑以誌久遠宣統元年奉文設立農務分會將牛頭山下地土讓歸農務分會即由分會退股民國二年奉部頒農會暫行會章改爲縣農會以蠶桑公社地段辦理農事試驗場民國十五年以試驗場建築公園會內經費支絀應辦事宜尙待擴充設正副會長各一人書記庶務各一人雜役一名常費出於契底附加全年約收入錢二千釧牛頭山上及公園四圍桑株并所側地土年共收佃資三百七十釧會內

長員夫役年支輿費工資錢一千一百四拾釧筆墨紙張菸茶燈油年共支錢一百三十三釧以外臨時活支年約支出錢一千釧

商會在徵收局側右前清宣統元年成立設正副會長各一會董二十四人特別會董四人均爲名譽職不支薪金但酌給輿馬費二年任期屆滿遵法定手續投票選舉更換民國十七年改委員制會內執行委員七人庶務一人司事二人書記二人酌給薪水常年經費就絲業公益捐項下每箱抽銀一元二角劃撥六賍歸司法四賍歸商會又酌商業大小捐貲補助其入會金以一圓至五圓止

縣黨部設舊議參會地點民國元年國民黨成立附於勸學所內三年被袁氏解除至十六年國民政府頒布明令廢議參會設縣黨部接收其地址經費以謀建設始設登記處繼設籌備處數月後正式成立縣黨

部各鄉場有黨員五人以上即設分部三分部以上設區黨部縣黨部執行委員七人監察委員三人區黨部執行委員五人區分部執行委員三人由黨員票選十七年又奉令停止黨部活動舉行黨員總登記於縣派指導委員七人重行團結編制辦理三月復正式成立縣黨部其監執各員之組織如前

縣議參會在舊典史署宣統二年初設城鎮鄉會東三合鎮南安居鎮西建林鎮北葫蘆鎮東新德鄉秋林鄉南魯般鄉樂嘉鄉西新民鄉北新安鄉凡一城四鎮六鄉城會設董事二議長正副各一議員十二鎮會設總董副董各一議長正副各一議員二十鄉會設鄉董鄉佐各一議長正副各一議員十二次年由城鎮鄉人民分區票選縣議事會議員二十四復由縣議員票選正副議長各一縣參事會員四參事會以縣

三台縣志

卷一

十四

三台新民印刷公司代印

知事爲會長民國三年春大總統電令停辦五年由嘉陵道尹令川北各縣設臨時參事會行使議會職權六年冬奉令恢復縣議參會民國十六年又停辦

菸酒分局賃居南街邱氏祠光緒二十七年奉文創辦酒釐由州縣彙解三十四年改歸經徵局民國三年成立分棧民國八年改分棧爲分局護商事務所賃住下南街馮姓街房民國十七年由全川江防軍余總司令成立每年收稅約計七萬餘元助駐軍火餉

船捐局賃住南關外街房與護商事務所同時成立每年約收錢六七千
釧

禁煙查緝處附設於後小灣商會民國十三年創立每年收入三萬餘圓育嬰恤嫠局舊在石柱街現附地方稅收支所內

坊表

天官坊 舊在城小什字街爲明時朱吏部建於乾隆十六年辛未夏閏五月城南街火焚傾壞

總制坊 在城北街康熙二十六年丁卯爲總河王新命建

四面坊 在城內大什字〔按〕康熙時縣人王新命代全縣完納地丁銀三年縣人於大什字修四面坊以表其德匾額爲洪都再造恩永江漢澄清吳會鎖鑰斗牛白雲持允握奇樞府西台垂範鳳池掌翰字皆古拙樸茂結構渾成民國十六年因修市馬路折毀原議移置公園以存古蹟及折後存市政局其材木竟爲廝役廚薪大可二人合抱之坊柱四根亦俱無存今惟餘匾額三面掛公園議事廳

鼓橋坊 在城北康熙五十七年戊戌建乾隆四十四年丙申前郡守沈

三台縣志

卷一

十五

三台新民印刷公司代印

清任題曰梓州古壤潼水名區

進士坊 在城東街爲明進士郡人王伉建

百歲坊 城南門內乾隆五十二年爲壽民陳文彩建

熊公德政坊 在西門外光緒十一年爲知府熊公紹璜建

進士坊 在城內龍王廟外右側方都御史李香爲明進士湯虺立

阿公德政坊 在西門外光緒二十四年爲知府阿公麟建

王李氏節孝坊 在城西北隅雍正四年爲丁酉科舉人王模甲午副榜

王楷之母李氏建

楊山氏節孝坊 在城東街雍正五年丁未爲邑庠生楊安仁之母山氏

建

杜王氏節孝坊 在城西街乾隆時爲庠生杜溥之母王氏建

劉岳氏節孝坊 在城西南隅乾隆二十年爲邑庠生劉沛之母岳氏建
羅鍾氏烈婦坊 在城南關外南華宮前乾隆三十五年爲羅茂九妻鍾氏建 以上各坊表皆因有妨馬路折毀

馮公德政坊 在葫蘆溪場南一里爲清縣丞馮公麗東建

百歲坊 在景福院場內道光時爲耆年謀安仕建

林王氏節孝坊 在邑西畫匠溝牌坊灣前清光緒時林永清爲其母王氏建

獨氏節孝坊 在治西距水觀音里許

周李氏節孝坊 在治南八十里景福院乾隆五十九年爲庠生周廷瑞之母李氏建

節孝坊 在邑東牌坊埡建於光緒十年上刻節婦姓氏極多

三台縣志

卷一

十六

三台新民印刷公司代

龔陶氏節孝坊 在雙龍場街中前清光緒二十年國學龔輔周爲其母請旌給銀建坊

石坊 在治東七十里藍池廟前明萬曆四十七年邑侯王价書額云東皇駐蹕校錄人天筆勢縱橫約二尺許今尙完好

八邑節孝總坊 在文廟外左前方皂角城巷口清咸豐元年建立

交通 清塘遞驛站久經
裁撤併入武備門

電報 民國七年初設局時僅有潼綿潼遂兩線後經駐軍田軍長添設保寧線楊軍長添設中成線三台電局遂爲川北電信交通之樞紐所轄線路東至富村驛南至廖家橋西至城隍廟北至連山灣民國十七年冬二十九軍軍部復於三台山建設無線電台

郵務 縣設二等郵局在石柱街各市鎮所設代辦處有由本局直達

者如新店子秋林驛樂安舖劉家營古壩靈井峯寺下新橋香山場洪射界是也有由支局轉達者如觀音場大石崗由中江局轉魯般橋觀音橋千

總坎景福院石板灘河嘴皆由太鎮局轉

馬路

潼趙馬路 民國十六年籌備建築自西門經過黃連埡樂安舖青欄店玉京場八洞鎮至中江界約計六十餘里寬二丈二尺面積共計四百五十畝經費約計三十萬元以上民國十九年因雨水冲壞復由甘縣長德龍督飭修理完善

潼保馬路 由城北關外琴泉馬路分道經過新渡口望水埡桑林埡富順場黃連埡三元場至鹽亭兩河口界計長九十餘里於民國十八年十一月開工經費提賣公私會業及各鄉積穀計二十餘萬元全路告

三台縣志

卷一

十七

三台新民印刷公司代印

成約需銀三十餘萬元恐後日仍須募集股銀方能告竣

潼綿馬路 係甘縣長開始建築籌備係二十九軍駐區部未另設局技正本國華測勘路線由潼趙路馬家橋分道經過李家溝貓兒壩靈峯寺青山壩觀音寺葫蘆溪至豐谷井界計長七十二里係新測數於民國十九年七月開工坡度平坦道面皆敷有砂礫經費現由各鄉籌集九萬元全路告成約需十餘萬元

潼射馬路 現在籌畫中

城市馬路 民國十七年興工建築欸由各舖戶分攤民國十九年由甘縣長補修完全

環城馬路 民國十八年春間由田軍長撥賑欸銀二千元建築從新西門繞北門直達甘露寺新西門有碑記民國十九年秋間復由甘縣長

德龍興工建築從北門繞東門南門老西門以達新西門至此則環城馬路周圍皆通董其事者爲公安局市政股經費由甘縣長撥罰欸洋一千元不足則以公益券羨餘補充之

建築

中山公園 在西門外牛頭山下民國十六年國民革命軍第二十九軍軍長田頌堯建

〔川北運副方于彬三台公園記〕中華民國十六年四月三台公園落成縣知事兼市政局長林君松軒誦諉作記余深維市政事業在謀市民物質上及精神上之幸福而闢置公園尤爲環境所切需今後進圖各種城市設備所以蘄共之樂利者其希望至無涯矣余雖專司鹺政但事關公益曷敢以不文辭於是記曰三台古稱梓州岡巒環繞由岷

山支脈紆迴而來鄴涪二江交縈城下扼水陸要衝人文薈萃貨物輻輳蓋川西北唯一之重鎮也田軍長頌堯移節駐此對於政事教養銳意設施知國政昌明其基礎爲良好市政所禪化生活改進其模範以城市整理爲準繩特委縣知事兼董其事顏君伯慈創始於前林君松軒繼作於後經營擘畫昕夕不遑展拓野外公園蓋市政中之一端也園在城西百餘武牛頭山麓與三台鳳凰諸峯相映對四圍小溪周連阡陌兼原隰山林之美景物極其明秀中有公共運動場圖書館閱報室會議廳音樂亭佛學社布署周至氣衆恢闓計建築期間自丙寅四月開始凡十二閱月而成中以費用不給田軍長實行以兵代工飭令駐潼軍隊共同協作又倡導捐修軍部自軍長以次職員暨各機關法團地方人士或出工料或建亭社羣相維助聿觀厥成後之遊覽斯地

者撫臺榭之崇麗思締造之艱難當有神怡心曠之情宜明訓養娛樂之旨人生爲社會服務終日勤動應有休息消遣之餘暇以恢復工作之疲勞樗蒲酒食徵歌選舞老幼男女馳逐酣嬉如蟻赴羶如蜚轉穢精神萎怠弊害叢生道德日就凌夷事業因而廢弛欲求矯正舊時惡習宜改謀正當娛樂以三台人口之繁庶對於強體益智之需要如此其殷切則公園之建立又豈可緩哉雖然創造伊始所以薰陶民智倡導體育者不過略具規模異時本此初旨繼長增高是又邦人君子之責任行見各種城市設備次第推行市政日臻完美將以是爲嚆矢豈直拘拘一園而已哉邑人鍾嘉壁書

琴泉公園 民國十九年就琴泉寺改建用款除募捐外在各局所存款項下撥用數百元共約用銀一千二三百元以十月下旬開工十二月

告竣〔附縣長甘德龍示諭〕爲出示曉諭事案據公安局市政股長林昌期琴泉公園工務主任謝汝霖等呈稱竊查縣城北關外長平山有古寺曰慧義後人有以山巖佛座下流水幽雅其聲如琴故又更名曰琴泉寺考諸府志建自唐代實爲地方第一名勝而歷代高人遊客吟詠題跋每登山寺樂而忘返者指不勝屈戊辰春軍長田公蒞臨山寺喜巖泉幽雅山谷清音於是再題其名曰甘露寺並爲序以記其本末今年春軍長再遊山寺祇以佛殿頹敗禪房傾圮而無稽之偶像滿於寺內遂面告我縣長當予取消只供佛像俾得莊嚴之正氣其寺廟頹敗之處並應從事整理命名公園種植花木總期適合現代之美觀爲目的厥後縣長召集機關法團人員到寺規劃款資議由募捐著手而我縣長暨軍長欣然捐助巨金以爲之倡地方紳首遂亦盡量樂捐職

等遵奉鈞命督率寺僧按照規劃上緊進行計時僅一月有餘而山寺已全體改觀客堂輝煌花草備至今後該寺名稱前已奉命更爲三台琴泉公園惟該管理因其地址原係古刹應請縣長令委舊日寺僧圓愷爲琴泉公園管理員直受市政股指揮督率所有該寺舊日常熟仍歸該僧收用管理公園不另議薪再查該寺產業原有無多每年除完糧外其地方一切攤捐雜派擬懇縣長令飭柳土鄉團保悉予免除藉示體恤俾得盡力管理園內事務所有呈請出示刊碑緣由是否有當理合具文呈請縣長俯賜查核指令祇遵謹呈等情據此當經本政府指令如呈分別委任令飭并准出示刊碑以垂久遠此令等語除印發并分別委任令飭該鄉團總陳天龍等遵照免除琴泉公園一功雜派外合行出示刊碑爲此示仰縣屬紳民暨柳土鄉團甲人等一體遵照

三台縣志

卷一

二十

三台新民印刷公司代印

以後該僧除上糧外凡有地方一切攤捐雜派悉予免除不得藉故苛派如敢違抗准該管理員指名具稟卽行傳究其各凜遵勿違特示又琴泉公園內附設菊花詩社係民國十九年九月九日甘縣長德龍提倡組織是日軍政各界及本地士紳等皆應甘縣長之邀到社暢飲咏詠頗多詩集另有刊本并由衆公推王潤蒼戴仁軒二君擔任社長以後每年是日皆援照成規開筵賞菊各賦以詩用增雅興蓋自學制改變以來音韻之學殆將失傳甘君此舉非特表示官紳融洽亦存留國粹之一端也

東山公園 卽舊日之東山寺民國十九年由軍部將參謀長特生提倡改建欸項概係募捐現已由甘縣長德龍督飭開工不久卽能竣工用欸約二千元上下

大成公園 卽舊日之文廟改建現已動工蔣來落成於民衆社會教育方面尤便於設施

鄉村公園 現有三處一爲縣西之太華公園 卽舊日龍興觀 一爲縣南

之雲台公園 卽舊日雲臺觀 一爲縣北之靈峯公園 卽舊日靈峯寺 皆

係名勝地方風景絕佳而太華公園樹木尤爲繁盛現由甘縣長德龍委本地士紳積極籌備聞不久均將竣工云

監獄 舊監獄年久頹壞湫隘有防衛生民國十七年縣知事謝勸募欸重修數月工竣規模一新

〔三台縣知事謝勸重修監獄碑記〕國家文明重人道恤及罪徒凡獄必備極崇閱整潔衛生罪者居中無狴牢苦感三台監獄迄民國仍沿舊湫隘囂塵人道大背軍長田公欲更諸爽塏久矣無其時不果勸去

三台縣志

卷一

二十一

三台新民印刷公司代印

夏來守是邦至市政刷新馬路將竣時遽以斯監相責集紳籌備乏的欸議募捐併委員專辦今春初鳩工庇材仍舊監基址仿新式建修亘秋新葺事捐貲告罄罰欸補苴措置盤根異常拮据甚矣興作之難也幸佐理得人底於厥成庶無負軍長田公尊重人道至義迹其建築崇墉屹立實堅晶瑩雖不及省內外模範監獄然楚子章華未必過之勸恐年遠無稽特將其事勒諸貞珉藉以著軍長田公之盛德併以彰辦事員司及樂捐諸君之熱忱云是記

附 公署舊蹟
官產變賣

試院 潼川試院清初生童赴考於保寧至康熙四十五年知州張應詔始創修試院於東街至乾隆二十五年知潼川府張松孫重修嘉慶十三年知三台縣沈昭興重修道光乙未年三台縣羅錦山捐資重修并

置邑南回龍廟田地數十畝歲收租息以資培補知潼川府事長白董文濤暨賜進士出身主講草堂書院李復元均撰有記清末廢科舉易作中學生寢室又改作師範學堂今爲二十九軍司令部

〔知三台縣沈昭興重修考棚記〕潼川本州治向有考棚明末毀於兵國朝康熙四十三年前州牧張公應詔以附考不便始請復設各學生員捐資建於四十五年厥後升州爲府至乾隆五十二年前太守張公松孫又勸募生童於東西文場各接一椽大堂後改修川堂二門內添建方亭規模差覺美備然自建造以來至今百有餘載歷年久遠日漸傾圯任斯土者或以軍書鮮暇或以五日京兆於修葺一事皆未議及嘉慶十二年八月余蒞任三台明年卽值歲試周歷觀覽見棟宇傾頹號舍朽敗岌岌乎有不可終日之勢竊謂考棚之設所以駐學節選文

材典至鉅也今若此是誰之過與因首倡捐廉四百金請於郡守今調夔州太守東嵐先生分檄各屬捐資九百餘金合之庫貯充公間欸共得二千金有奇於是鳩工庀材親爲經理自內及外一律更新於大堂抱廈兩翼添建號舍兩間增坐號四百統計二千餘號無虞擁擠文場之外各繚以高垣覆以荆棘使內外隔絕弊無由生其後廨逼近民居淺隘阨塞乃賣其餘地半畝築牆以爲院落並添一楹以資憩息又照牆後向爲通衢闊不及五尺地旣低窪雜以瓦礫試時若雨積水尺許生童行旅咸苦之爰移土垣於南拓路尋餘甃以石板不特往來稱便而前後氣局通鬯可冀文風之日盛焉前者每逢考試應用几案器具皆賃於市肆未免擾累且拙劣不可用非所以重學使也因爲另置棹椅等物若干件存冊於工房專備院試之用是舉也役不及民費不用

帑始工於嘉慶十三年十一月畢工於十四年四月落成之日卽值史問山先生按臨考試大風拔木且壞屋考棚以新葺得無恐余竊幸之是爲記

府署 潼川府署在北街唐爲東川節度使治宋元爲府治明洪武時設州治清康熙六年知州汪有朋重修雍正十二年改州爲府歷任隨時補葺乾隆四十九年知府沈清任張松孫相繼增修併創柏香閣來青閣來鶴軒鴻雪南堂先得月軒仰止亭來袞亭西園射圃涵碧池各系以詩併撰記道光十六年知府董誌重建來袞堂有記二十一年知府慶玉復建來袞堂有記同治九年署知府博文重修又新來袞堂均有記十一年知府李德良建聽鸞堂光緒二十一年知府阿麟補修有記〔知府博文重修潼川府署記〕郡署向倚北城規模宏敞池館清幽左

有得月亭右有梅花書屋頗堪憩息厥後慶潤齋太守增築萬壽山建樓其上額曰來袞堂益足以遠眺江山一空眼界顧年久失修漸就傾圮而又當李藍困城之後駐勇守防雜豎兵棚於是亭台花木有斧而作薪者矣庚午春余來攝郡篆見堂廡滲漏廊舍傾頹幾不能得一偃息所而且向無府庫昔年用兵時所獲軍械多堆置於敗屋中尤不足以壯觀瞻而資鎮撫爰爲籌款修葺始於兩堂終於亭舍并於二堂之側創爲府庫以貯移交各物三閱月而畢工不特堂屋園亭漸臻華好下至廚廡藩溷亦煥然一新於是來遊者幾至不識當年故徑矣雖然余亦攝篆人耳使後來者能因是而擴充之安知增榮飾觀不更勝於今日乎又此次修葺署衙添置什物皆具登冊檔存諸工房以備稽核至遵守成規是所望於後之君子

〔知府阿麟補修潼川府官舍記〕潼署失修久矣前者累次修葺不過補葺罅漏稍加粉飾已也以故日復一日岌岌乎有漸就傾圮之勢前梁彥臣觀察守潼時即議培修嗣以去任未果甲午冬余由農部出守潼川越明年乙未春十房書吏以各房屋舍穿漏傾圮莫蔽風雨紛紛稟請修葺余維辦公之地非尋常燕息者所可比也特可其請於是創捐補葺併益以八屬例捐之欸屬三台縣楊大令德鑠董其成張參軍忻吳少尉廷鑣親督工役諏吉創修更以其餘欸將公署房屋一例修補是役也經始二月十七日落成於六月十五日五閱月而工竣樸斲堅完欸不虛糜雖猶是因陋就簡而輪焉奐焉頓改舊觀已非昔之僅僅焉補葺粉飾者所可同日而語矣余喜工用之胥歸核實且嘉諸君子之勤勞不可弗諗諸來者爰泚筆而爲之記

三台縣志

卷一

二十四

三台新民印刷公司代印

府學署二 在學宮左右

典史署 在後東街

都司署千總署 在城內西南隅較場壩

演武廳二 (一) 在都司署西偏爲官兵操演之所 (一) 在東門外

爲考試武生童騎射之所

縣學署 在學宮左側與府學署毗連

民國二年財政廳委員到縣清賣官產二十六處共售得銀七千九百八十七元三角四仙九星均先後報解茲將所賣各官產列表於后

產地	價銀	承買人
都司署	一千二百元	梁樹德

東關外塘房	劉家營塘房	葫蘆溪塘房	建林驛塘房	秋林驛塘房	西街地皮	西關外接官廳	潼川營地皮	署後空地	葫蘆溪汛	三台縣志	卷一	二十五	三台新民印刷公司代	汛署	經歷署	城內演武廳	先農社稷壇地皮	府署右側地土	經歷署側地皮	較場壩	南關外旱地	方家街地皮					
六十五元	六十元	一百七十 三元三角	五十元	三十元	三百元	四十三元	一百四十七元 一角四仙三星	十元	李五常					蘇瑞豐	王甸侯	六街	商會	王潤蒼	陳天壽	王鼎堂	地方附加稅征收處	一千元	三百元	六十五元	四百元	四十元	二百元

魯般橋 景福院 塘房	均三十元	孫靜之 陳懷安
秋林驛營房	五十元	張文炳
葫蘆溪營房	五十二元	王炳勳
西街營房	七百零六元六 角六仙七星	鍾滿德堂
金家溝地皮	四十二元六 角六仙七星	王鴻泰
石埡子田地	九百五十七元 一角四仙三星	王洪太

民國四年財政廳復委員到縣清理官產如試院縣署典獄署府縣學署
萬壽亭蘆溪汛署東關外演武廳火神廟側空地潼川營旱地東路孫
家橋營地界牌營地北路千石橋營地貓兒溝營地均已估價未售至
四門城牆內外則未估價

按試院縣署等因為各機關所駐故至今未
售典獄署於民國十四年由駐防楊軍交議

三台縣志 卷一 二十六 三台新民印刷公司代印

參會及收支所出銀承買
作機關共同辦公之地

區鎮

城內 東街 上南街 下南街 老西街 新西街 中西街 北街
後北街 上陞街 陡坡子 方家街 學街 後小灣 順城街

城外 東關外街 南關外街 西關外街 南外順河街

縣境東南西北四路舊分二十八鄉以二十八宿繫以日月五星為名
東路曰氏土鄉虛日鄉房日鄉角木鄉奎木鄉斗木鄉井木鄉南路曰
女士鄉危月鄉心月鄉室火鄉尾火鄉翼火鄉觜火鄉西路曰胃土鄉
星日鄉亢金鄉婁金鄉牛金鄉魁金鄉壁水鄉北路曰柳土鄉昴日鄉
張月鄉畢月鄉箕水鄉參水鄉軫水鄉以鄉之廣狹分保之大小分甲
以甲內分戶口之多寡分牌自保以下相土劃分不拘一格民國初設

參議會分四鎮六鄉民國十四年改組為九區皆準二十八鄉地勢分之嗣後凡辦團辦學辦欸皆以此為準

區鎮表

鄉名	場名	相距	城創	始街	塵場	期通	路
氏土鄉	新場	二十里	乾隆時興場		單日小		路
	石板灘	二十里	民國八年興場		四七十	入城大路	
虛日鄉	秋林驛	六十里	唐為寨宋為鎮清置驛		三六九	通保寧大路	
	潼射場	八十五里	清光緒十七年興場		二五八	通射洪小路	
房日鄉	老馬渠	六十里	清雍正六年興場		單日	通梓潼大路	

三台縣志

卷一

二十七

三台新民印刷公司代印

花園場	石安場	三元場	富順場	龍樹場	槐樹場	忠孝場	三合場	雙龍場
七十里	四十里	七十里	四十里	一百二十里	八十里	八十里	八十里	一百一十里
民國十七年興市	舊名石河場	舊名楊家井	舊名田邊子清光緒初興場			舊名忠孝菴清乾隆八年興場	舊名塔子山嘉慶十九年興場	
二五八	三六九	四七十	二五八	四七十	三六九	二五八	三六九	二五八
通綿陽小路	通鹽亭小路	通潼保馬路	同	通鹽亭梓潼小路	同	同	同	同
			前		前	前	前	前

		魁金鄉			牛金鄉			婁金鄉	三台縣志	亢金鄉			星日鄉	胃土鄉			紫火鄉		
同德場	雲龍鎮	蘇河場	梨樹場	魯剎寺	大石崗	八洞鎮	玉京場	紅昕場	卷一	建林驛	萬安寺	上新橋	觀音場	樂安鋪	下觀音橋	石板灘	兩河口	千總坎	
七十五里	七十里	六十里	九十里	八十里	九十里	八十里	六十里	四十五里	二十九	六十里	五十里	六十里	八十里	三十里	一百二十里	一百五十里	一百二十里	一百二十里	
光緒三年興市	即老君菴乾隆時建光緒元年興市	乾隆五十五年興市	光緒二十三年興市	緒四年興場	雍正三年建光緒四年興場	乾隆時建舊名雙龍場	清光緒二年興場	民國十七年興場	光緒五年興場	兵燹雍正六年補修	原稱建寧寺明末燬於同治十三年興場	明景泰三年建廟清同治十三年興場	清康熙十年興場		清光緒二十六年修建	清康熙時建	舊名三溪鎮	清康熙時興場	乾隆十七年興場
餘四十戶	餘五十戶	百餘戶	三百餘戶		二百餘戶	三十餘戶		四十餘戶		四百餘戶			五百餘戶						
一四七同	一四七小	三六十同	一四七同	四七十小	二五八通中江小路	三六九同	一四七通潼趙馬路	二五八同	三台新民印刷公司代印	一四七通中江大路	三六十同	三六九小	二五八通中江大路	三六九通潼趙馬路	三六十小	二五八通中遂蓬小路	三六九小	二五八通中江小路	
前	路	前	前	路	前	前	前	前		前	前	路	路	路	路	路	路	路	路

軫水鄉				三台縣志 卷一	軫水鄉	參水鄉	箕水鄉	畢月鄉	張月鄉		昂日鄉	柳土鄉	壁水鄉
長樂鎮	馬康橋	會龍場	柳井池		高堰坎	黃連橋	劉家營	橋樓場	葫蘆溪	南河堰	新廟場	靈興場	無場
一百二十里	九十里	七十五里	九十里	三十	六十里	九十里	四十五里	一百二十里	八十里	一百一十里	三十里		
民十二年興市		明洪化時建原名普樂場乾隆時改今名			乾隆時興市	清咸豐十年興市 雍正時建橋		即橋樓子康熙時建乾隆時興市				即靈峯寺宋紹興間建光緒時興市	
六十餘戶		百餘戶	百八十戶			四十餘戶		一百四十餘戶					
四七十小		一四七	同	三台新民印刷公司代印	同	二五八	雙	三六九	單	三六	二五八	單	
路	通綿陽小路	通梓潼小路	前通綿陽小路		前	小	路	日通綿陽大路	通梓潼小路	日通綿陽大路	通綿陽小路	通綿陽羅江小路	日通潼綿馬路